


# MEDICINAKÊ EKSPERIMENTUR

1910  
1911  
1912  
1913  
1914  
1915  
1916  
1917  
1918  
1919  
1920  
1921  
1922  
1923  
1924  
1925  
1926  
1927  
1928  
1929  
1930  
1931  
1932  
1933  
1934  
1935  
1936  
1937  
1938  
1939  
1940  
1941  
1942  
1943  
1944  
1945  
1946  
1947  
1948  
1949  
1950  
1951



E Erna Lauenburger sas jek têrni Sintica anda Berlino. Kana barilisas munčisajli voj ando Magdeburg haj kote mêrîtisajli taj bijandja řavořen. Ando bêř 1943 angêrde la peskê do řejořanca ando Auschwitz-Birkenau. O Josef Mengele, o doktoro kata SS, kêrdja pe late zorasa medicinakê eksperimentur taj mundardja la palal eka otrovnona suvjasa. Vi lakê duj řejořa xaile ando Auschwitz, lako řom o Otto Schmidt mulo ando KZ Buchenwald. E Erna Lauerburger sas o idolo pala e řavořengî knjiga „Ede und Unku“ kata o Alex Wedding. E knjiga ramol pa o amalimos kata jek berlinosko raklořo jek sintickona řejořasa. Ande vrjama mařkar o angluno taj o dujto ljumako marimos sas „Ede und Unku“ jek kata l' maj ařunde řavořengê knjige. E knjiga sas vi baza pala 'k filmo. Ando bêř 2011 thode ando Berlino, ando Friedrichshain vi o anav jeka ulicako pala Ede taj Unku.

## D.5

### Řanglen tumen

...kê miji de miji řobon –Řoma taj Sintî, jevreur taj gojim, but lendar sas bêjatur- mundarde le doktorja kata SS ka l' medicinakê eksperimentur?

...kê le viktimur kata kadala eksperimentur ařile – te nakhle řuvindes o genocido – antrego pesko trajo bangê, hendikepime?

### Tumari bući

Le doktorongê ćisar naj slobodno, te kêren bi-dozvolime eksperimentur, bi te na řanen le pacijentur pa kodja. Sostar ignoriřisarde doktorja pe svako vrjama kodola regule?

### Paj fotografija

Knjigaki korica kataj angluji knjigaki edicija, o dizajno kêrdja o John Heartfield fotografijenca kataj Erna Lauenburger taj kata lako amal Ede.

Malik Verlag Berlin/Deutschland.